

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Quanti sit facienda pœna spiritualis, & quàm meritò infligatur?

urn:nbn:de:hbz:466:1-45701

Numinis religionisque contemptum, & similia flagitia. Quæ porro hæc sit mensura peccatorum vel toti Mundo, vel regno, vel homini cuique constituta, soli Deo notum est, atque ad diuinorum judiciorum abyssum, & altitudinem illam diuinarum est referendum. Itaque qui in primo peccato hominem deserere meritò potuisse, quomodo iustus erit, si eum deserat in millesimo? & finat non solùm tentari, sed etiam quassari, & perire, tam pertinaciter perire cupientem?

Fateor, nulla diuina vindicta vulgo minoris fit, quam quæ in punitione spirituali consistit, cum sensibus non percipiatur; nulla tamen vel seuerior est, vel iustior, quare longè magis formidanda est, quam aut Gomorrhæ incendium, aut orbis diluvium. Si enim bona spiritualia multis modis antecellunt ijs bonis, quæ sensibus blandiuntur; erunt profectò etiam honorum spiritualium, quam temporalium damna magis metuenda. Quæ grauior in hac vita potest æstimari poena, quam quæ est æternæ proxima, eamque & certò secum trahit, & necessariò antecedit? Hanc ergo poenam esse justam, agnoscemus libenter, si paulò enucleatiūs perpendamus. Consistit enim in gratiæ justificantis, & totius boni, quod hanc gratiæ consequitur, itemque in auxiliij interni & externi subtractione; nec non in excæcatione & induratione. Talis homo tentatur, & superatur; delinquit, & non resurgit. An non autem dignus est gratiam perdere, qui Deum odit? An non meretur donis supernaturalibus exvi & spoliari, qui ijs nugas Mundi, & res vanissimas anteponit? Quod si quis igitur gratiam in se destruxit justificantem, qua Dei amicus fuerat; & in peccatum consensit, quo in infinitum quoddam Dei odium incurrit, an non is meritò à Deo deseritur? hostine, an amico succurrimus? Quandoque, quæ Dei clementia, ille non statim deserit, sed ouem perditam querit. Sensim tamen toties ingrato auxilia interna ad salutem opportuna imminuit; ac tandem ubi impleta est malitia peccatoris, ultimumque gradum attrigit, omnino subducit. Quemadmodum enim homini justo, & amico, tamquam filio, curam opemque debet Deus, ut ad promissam in cælo perueniat hereditatem; ita nihil debet illi, qui sponte, & per malitiam suam jus perdidit ad

Ggg

illam

III.

illam hæreditatem. Illi ergo qui se reum fecit inferni, non solum nihil nisi poenam debet, sed etiam incipit consuetam curam, consueta auxilia, quæ antè ei impendebat, subducere. Sicut igitur paralyticus se erigere, sine subleuante, non potest, ita neque sine diuino auxilio interno potest surgere peccator; sed in sordibus suis jacet, atq; in ijsdem se se identidem volutat. Habet, quod elegit; caret gratiâ, quam toties repudiauit. Quis cani manum iterum porrigat, in aqua periclitanti, quam sensit toties morsu fauciata? Et tamen Devs peccatori manum toties porrectam non statim negat: quid mirum, si tandem neget? Mordent Devm, & conuicijs proscindunt impij, cùm ab eo ad poenitentiam excitantur. Nimirum, quia conuerſi sunt in arcum prauum. In iram concitauerunt eum. Quis arcum prauum non abijciat, qui tela retorum torquet in jaculantem? Surdologqui, est oleum & operam perdere.

Psal. 77. 57.
Horat. lib. I.
epist. ad
Mecæn.

*Nemo adeò ferus est, ut non mitescere posît,
Si modo cultura patientem accommodes aurem.*

Ast vbi quis aspidi similis est, obturanti aures suas, ibi frustra sunt omnes incantationes.

IV.

Psal. 67. 3.

Lacertulam aiunt hominis amantem, consueisse, cùm serpens dormienti imminet, auriculam eius mordere, non vt venenat, sed vt soporem illi excutiat, doceatque vitare malum, quod virulentus anguis machinatur. Piger, & lacertæ amorem non agnoscens, molestè fert, suam quietem turbari. Quare sœpe, neglecto serpente, lacertulam persequitur, & occidit. Idem contingit mortalibus, peccandi consuetudine excætatis. Excitateos diuina gratia, vt serpentis antiqui astutiam declinent. Sed illi, in periculo suo dormire assueti, molestè ferunt, se excitari. Indignantur, si eos officij sui quis admoneat; occludunt aures, ostendunt dentes, denique omnia cælestia execrantur. Quid faciat Devs? an semper patiatur se contemni, vt iam non putetur amplius esse Devs, qui scelerum judex & vindicta existat? Clamat eius justitia, clamant Angeli de calo, clamant ex inferno cacodæmones, clamant in terris, qui injuriam sustinent: *Exurgat DEVS, & dissipentur inimici eius.* Quid mirum, si audiat has voces? si in inimicos suos exardescat? Neque opus est diu de armis